

Univerzitet u Sarajevu  
Fakultet islamskih nauka



KATEDRA ZA ISLAMSKU FILOZOFIJU  
KOMISIJA ZA IZBOR AKADEMSKOG OSOBLJA

Datum: 17. 06. 2022.

Odlukom Vijeća Fakulteta islamskih nauka u Sarajevu br. 03-03-6 redovna el. sjednica – 625/22 imenovana je komisija u sastavu:

1. Dr. Samedin Kadić, docent, predsjednik komisije
2. Prof. dr. Orhan Bajraktarević, redovni profesor, član
3. Prof. dr. Nusret Isanović, redovni profesor, član

Sa obavezom da Vijeću u roku od 15 dana od isteka roka za podnošenje prijave na konkurs dostavi izvještaj s prijedlogom za izbor asistenta na Katedri za islamsku filozofiju.

Nakon uvida u prispjele prijave, Komisija u gore naznačenom sastavu, Vijeću Fakulteta islamskih nauka podnosi izvještaj:

### IZVJEŠTAJ

Na predmetni konkurs se u predviđenom roku prijavilo šest kandidata: **MA Ilma Delić**, Zenica prijava putem pošte br:07-2-500 od 13.05.2022. godine; **MA Uzeir Alispahić**, Ilijaš, Prijava putem protokola br: 07-2-515/22 od 18.05.2022. godine; **MA Haris Dubravac**, Sarajevo, Prijava putem protokola br: 07-2-543/22 od 23.05.2022. godine; **MA Amela Dedić Rahmouni**, Zenica, Prijava putem pošte br: 07-2-546/22 od 24.05.2022. godine; **Mr. Safer Grbić**, Tešanj, Prijava putem pošte br: 07-2-547/22 od 24.05.2022. godine; **Dr. Vladimir Lasica**, Sarajevo, Prijava putem pošte br: 07-2-553/22 od 25.05.2022. godine;

Sve prijave su stigle blagovremeno i uredno, u skladu sa utvrđenim uslovima konkursa, odnosno čl. 96. Zakona o visokom obrazovanju Kantona Sarajevo („Službene novine Kantona Sarajevo“, broj: 33/17, 35/20, 40/20, 39/21) za izbor u saradničko zvanje asistent.

MA **Ilma Delić** je završila Gazi Husrev-begovu medresu, teološki smjer na Fakultetu islamskih nauka u Sarajevu – redovno (prosjeck ocjena: 8,61), a vanredno i na Pedagoškom odsjeku. Magistrirala je 2018. (naučna oblast: tefsir, MA teza: „Islamski modernizam i reformizam u tumačenju Kur'ana u stavovima najviših zvaničnika Islamske zajednice u BiH u XX stoljeću“). Trenutno je studentica III ciklusa na Fakultetu islamskih nauka u Sarajevu, znanstveni smjer: tefsir.

MA **Uzeir Alispahić** je završio „Srednju medicinsku školu Bjelave“ i Filozofski fakultet u Sarajevu (prosječna ocjena: 7,42). Na Filozofskom fakultetu u Sarajevu je i odbranio Master tezu: „Kantova etika autonomne volje“.

MA **Haris Dubravac** je završio Gazi Husrev-begovu medresu i Fakultet islamskih nauka u Sarajevu na Pedagoškom odsjeku (prosječna ocjena: 7,59). Magistrirao je na Fakultetu islamskih nauka 2016. godine (prosječna ocjena: 8,33) na Katedri za akaid, tesawuf i komparativne religije. Trenutno je student III ciklusa na Fakultetu islamskih nauka, znanstveni smjer: islamska filozofija.

MA **Amela Dedić** Rahmouni je završila Elči Ibrahim-pašinu medresu u Travniku i Fakultet islamskih nauka u Sarajevu (prosječna ocjena: 9,42, srebrna značka), gdje je završila i postdiplomski studij sa temom „Običaji Roma muslimana u Bijeljini i Zenici“ (naučna oblast: islamska kultura i civilizacija).

MA **Safer Grbić** je završio Filozofski fakultet u Sarajevu (prosječna ocjena: 7,36), gdje je odbranio i Master tezu „Kritika racionalne teologije: odnos vjerovanja i znanja u epistemologiji Immanuela Kanta“. Trenutno je student III ciklusa na Sveučilištu u Zagrebu.

Dr. **Vladimir Lasica**, dodiplomski studij završio na Filozofskom fakultetu u Sarajevu (prosječna ocjena: 7,93), odsjek za filozofiju i sociologiju, gdje je odbranio i Master tezu pod naslovom „Aristotelov uticaj na Ibn Rušda“. Doktorirao je na Univerzitetu u Kordobi 2022. godine iz područja islamske filozofije sa temom „Ibn Rušdova kritika Ibn Sininog pristupa metafizici“.

Komisija je mišljenja da nijedan kandidat ne zadovoljava potrebe Katedre za islamsku filozofiju. Četiri kandidata na temeljnom studiju imaju prosjek ispod 8,00, a ostala dva nisu radili Master teze iz oblasti islamske filozofije za koju je konkurs raspisan, čime su sugerirali da islamska filozofija nije njihov interes.

Tražimo da se konkurs poništi i ponovo raspiše u skladu sa pravilima o visokom obrazovanju.

Članovi komisije:

Dr. Samedin Kadić, docent, predsjednik komisije

Prof. dr. Orhan Bajraktarević, redovni profesor, član

Prof. dr. Nusret Isanović, redovni profesor, član

